




REPUBLIKA E KOSOVËS
REPUBLIKA KOSOVA - REPUBLIC OF KOSOVA
KOMISIONI I PAVARUR I MEDIAVE
NEZAVISNA KOMISIJA ZA MEDIJE
INDEPENDENT MEDIA COMMISSION



KTV
Berat Bicaj
Drejtör
Prishtinë



VENDIM

Lidhur me Rastin Nr. 2021/314 – Komisioni i Pavarur i Mediave (KPM) për KTV (Pala Përgjegjëse)

Faktet

1. Komisioni i Pavarur i Mediave (KPM) me datën 28 maj 2013 ka nxjerrë Rregulloren për Mbrojtjen e Fëmijëve dhe të Miturve në Shërbimet Mediale Audiovizuale KPM 2013/01. Me këtë rregullore është përcaktuar mënyra e kategorizimit, sinjalizimit dhe zgjedhjes së kohës së transmetimit të programeve të cilat mund të ndikojnë negativisht në zhvillimin fizik, mental, emocional dhe moral të fëmijëve dhe të miturve.
2. KPM ka bërë monitorimin e Palës përgjegjëse për të vlerësuar pajtueshmërinë me rregulloret e KPM-së: Rregulloren KPM-2013/01 për Mbrojtjen e Fëmijëve dhe të Miturve në Shërbimet Mediale Audiovizuale, Rregulloren KPM-2017/07 për Komunikimet Komerciale Audiovizuale si dhe Kodin e Etikës KKPM-2016/03 për Ofruesit e Shërbimeve Mediale në Republikën e Kosovës, lidhur me transmetimin e përmbajtjeve programore të cilat mund të jenë të dëmshme për fëmijë dhe të mitur. Monitorimi është bërë për 24 orë brenda një jave nga data 24, 25 dhe 27 tetor 2021.
3. KPM në bazë të Raportit të monitorimit të datës 4 nëntor 2021 ka gjetur se Pala përgjegjëse, me datë 24 tetor 2021, ka transmetuar filmat artistik “*Slow West*” nga ora 00:00 dhe “*Poldark*” nga ora 05:05, të cilët nuk i ka paralajmëruar dhe shoqëruar me shenjë përkatëse ashtu siç është e përcaktuar me rregullore.
4. KPM pas të gjeturave nga Raporti i monitorimit, 9 nëntor 2021 i ka dërguar Palës përgjegjëse Njoftim për shkelje, me të cilin e ka njoftuar për shkeljet e bëra dhe i ka kërkuar të veprojë në pajtim me Rregulloren KPM 2013/01 duke i ofruar mundësinë që brenda afatit prej tre (3) ditësh të përgjigjen dhe të ofrojnë sqarimet e tyre në raport me shkeljet e lartpërmendura.
5. KPM me datën 11 nëntor 2021 ka pranuar një përgjigje nga ana e Palës përgjegjëse. Përmes të cilës njofton se për shkak të një lëshimi teknik Pala përgjegjëse ka transmetuar me datë 24

tetor 2021 filmat artistik “*Slow West*” dhe “*Poldark*” pa paralajmëruar dhe shoqëruar me shenjat përkatëse.

6. KPM pas Njoftimit për shkelje ka bërë edhe një monitorim të dytë për të parë nëse Pala përgjegjëse ka ardhur në pajtueshmëri me Rregulloren KPM-2013/01. Monitorimi është bërë për datat 1, 4 dhe 7 dhjetor 2021 dhe në bazë të Raportit të monitorimit të datës 15 dhjetor 2021 është gjetur se Pala përgjegjëse ka vazhduar të transmetojë përmbajtje programore të cilat janë në kundërshtim me Rregulloren KPM-2013/01, duke mos i paralajmëruar dhe shoqëruar me shenjen përkatëse dhe duke i transmetuar jashtë kohës së lejuar me Rregullore.

Analiza ligjore

7. Komisioni bazuar në të gjitha faktet dhe analizat e lartpërmendura konstaton se Pala Përgjegjëse është gjetur në shkelje të Rregullores KPM-2013/01.
8. KPM në bazë të Raportit të monitorimit të datës 4 nëntor 2021 ka konstatuar se Pala përgjegjëse, me datë 24 tetor 2021, ka transmetuar filmat artistik “*Slow West*” nga ora 00:00 dhe “*Poldark*” nga ora 05:05, të cilët nuk i ka paralajmëruar dhe shoqëruar me shenjen përkatëse, duke vepruar kështu në kundërshtim me nenin 7, paragrafi 1, 2, dhe 3, të Rregullores KPM-2013/01, i cili përcakton se:

“Subjektet transmetuese do të përdorin shenja të paraqitura në Aneksin 1 të kësaj Rregulloreje.”

“Shenjat e vërejtjes për Kategorinë e përcaktuar më këtë nen janë të detyrueshme për të gjitha programet e përcaktuara në nenin 5.”

“Para fillimit të programit dhe pas çdo ndërprerjeje të programit bëhet paralajmërim verbal dhe akustik”

9. KPM po ashtu në bazë të Raportit të monitorimit të datës 15 dhjetor 2021 ka konstatuar se Pala përgjegjëse ka transmetuar filmi serik “*Poldark*” i cili nuk është paralajmëruar dhe shoqëruar me shenjen përkatëse. Filmi i përket kategorisë së tretë 14+ ku gjatë të cilit janë transmetuar skena të papërshtatshme jashtë kohës së përcaktuar me Rregullore, duke vepruar kështu në kundërshtim me nenin 5 paragrafi 2 Rregullores KPM-2013/01, i cili përcakton se:

“Kategoria e dytë përfshin programet që nuk rekomandohen për fëmijët nën moshën 10 vjeçare dhe për të cilat është e domosdoshme prania e prindit ose kujdestarit. Kjo kategori u referohet programeve, që përmbajnë ndonjë skenë dhune ose frike. Transmetimi i këtyre programeve duhet të paralajmërohet dhe të shoqërohet me shenjen përkatëse.”

10. KPM ka konstatuar se Pala përgjegjëse edhe pas Njoftimit për shkelje të dërguar nga KPM ka dështuar të veprojë në pajtueshmëri me Rregulloren KPM-2013/01. Duke u bazuar në Raportin e dytë monitorues është gjetur se Pala përgjegjëse ka vazhduar të transmetojë përmbajtje programore të cilat janë në kundërshtim me Rregulloren KPM-2013/01, duke mos i paralajmëruar dhe shoqëruar me shenjat përkatëse të përcaktuara me Rregullore.


11. Komision, duke u bazuar në faktet e lartpërmendura ka gjetur se Pala përgjegjëse ka bërë shkelje nenit 5, paragrafi 2, nenit 7, paragrafi 1, 2 dhe 3 të Rregullores KPM-2013/01 për Mbrojtjen e Fëmijëve dhe të Miturve.

Vendim

12. Pala përgjegjëse sanksionohet me Vërejtje në pajtim me nenin 30 paragrafi 1 të Ligjit të KPM-së, për shkelje të nenit 5, paragrafi 2, nenit 7, paragrafi 1, 2 dhe 3 të Rregullores KPM-2013/01 për Mbrojtjen e Fëmijëve dhe të Miturve.
13. Obligohet Pala përgjegjëse që në afat prej dhjetë (10) ditësh të bëjë kategorizimin e filmave dhe serialeve të cilat i transmeton, t'i paralajmërojë ato para fillimit me sinjal verbal dhe akustik dhe t'i identifikojë me simbolin përkatës vizual gjatë tërë kohëzgjatjes së tyre sipas kategorizimit të programeve të përcaktuara me Rregulloren KPM-2013/01.
14. Obligohet Pala përgjegjëse që, duke u bazuar në nenin 3 paragrafi 5 të Rregullores KPM-2013/01, të nxjerrë Kodin Praktik në të cilin do të përcaktojnë standardet vetërregulluese për transmetimin e programeve që mund të kenë ndikim të dëmshëm te fëmijët dhe të miturit, dhe këtë Kod të miratuar ta sjellin në KPM brenda tridhjetë (30) ditësh pas pranimit të këtij Vendimi.

E drejta për ankesë

15. Ankesat i parashtrohen Bordit për Ankesa brenda tridhjetë (30) ditësh nga pranimi i vendimit të KPM-së në pajtim me nenin 29, paragrafi 5, të Ligjit të KPM-së. Ankesa bëhet me shkrim dhe duhet të përcillet me dokumente ose dëshmi që mund të kërkohen nga Bordi i Ankesave në pajtim me nenin 42, paragrafi 2, të Ligjit të KPM-së.
16. Bordi për Ankesa do t'i merr parasysh vetëm ankesat e bazuara në informacione ligjërish të cilat nuk ishin të disponueshme në kohën e marrjes së vendimit të KPM-së, apo të bazuara në mundësi se ekzistonte gabim procedural dhe material i bërë nga ana e KPM-së gjatë marrjes së vendimit.


Xhevat LATIFI
Kryetar



21.12.2021
Datë